

欽定天祿琳琅書目後編

欽定天祿琳琅書目卷十五

後編

明版史部

歷代名臣奏議

十六函
一百六十冊

明黃淮楊士奇等奉敕撰明史藝文志載事在永
樂十四年書三百五十卷分六十四門曰君德聖
學孝親敬天郊廟治道儲嗣內治宗室經國守成
都邑封建仁民務農田制學校風俗禮樂用人求
賢知人建官選舉考課去邪賞罰勤政節儉戒佚
欲慎微謹名器求言聽言法令慎刑赦宥兵制宿

衛征伐任將馬政荒政水利賦役屯田漕運理財
崇儒經籍圖識國史律算諡號褒贈禮臣下巡幸
外戚寵倖近習封禪災祥營繕弭盜禦邊外域書
成刊印僅數百本頒諸學宮藏版禁中至崇正間
張溥始刊節本雖仍舊卷而刪削太甚至一條僅
數十字溥自序謂世無其版生長三十年未嘗一
見則此本在明時已稀有今惟行張溥節本似此
官棗頒布之書實爲珍祕矣溥字天如太倉州人
崇正辛未進士官庶吉士有七錄齋集輯漢魏百

三家集行世

宋名臣言行錄

二面
十三冊

明張采彙刻前集十卷朱熹撰自趙普至蘇洵五
十五人有熹自序采讀前集一篇後集十四卷亦
朱熹撰自韓琦至陳師道四十一人有寶祐戊午
李居安序采讀後集一篇續集八卷李幼武撰自
黃庭堅至呂祉二十九人有景定辛酉趙崇璚序
采讀續集一篇別集十三卷亦李幼武撰自李邴
至胡銓六十五人有采讀別集一篇外集十七卷

亦李幼武撰自周敦頤至蔡沈四十四人前有采
讀外集一篇道統傳授圖說幼武字士英號朋溪
廬陵人據趙序前後集謂之八朝名臣續別集謂
之中興四朝名臣其外集則道學諸人也幼武纂
成授梓至明萬厯丁未揚州有重刻本焦竑序之
崇正癸酉應天府學有小字本楊以任序之此本
乃崇正戊寅張采重刻有序並紀事又錄焦楊兩
序采字受先太倉人崇正戊辰進士官臨川知縣
行取禮部主事

王康侯圖書記

白文 卷首 前集卷六
後集卷首 卷六 續集卷一
別集卷首 外集卷六 卷十二

籌隱堂

白文 卷首 前集卷六
後集卷首 卷六 續集卷一
別集卷一 卷三 卷五

卷八 卷十一
外集 卷六
卷十二

籌隱草堂

白文 後集卷首 續集卷首 外集卷首

宋名臣言行錄

三函 十八冊

同上係一版摹印前多周鑣序鑣字仲馭金壇人

崇正戊辰進士官禮部員外郎

近代名臣言行錄

一函 四冊

明徐咸撰咸字子正海鹽人正德辛未進士官襄

陽知府書十卷自章綸至胡居仁四十八人皆正
統成化宏治正德四朝人故曰近代先是豐城楊
方震有言行錄至是咸補輯此書前有嘉靖辛卯
咸自序後有鄭曉跋又咸自跋曉字室甫亦海鹽
人嘉靖癸未進士官刑部尚書諡端簡明史有傳

四明尊堯集

一函
一冊

宋陳瓘撰瓘字瑩中號了翁沙縣人由甲科入仕
官右司員外郎兼權給事中諡忠肅宋史有傳書
十一卷分八門曰聖訓論道獻替理財邊機論兵

處已寓言有瓘自撰前後序並進表後有男正綱
跋又一跋亦其後人闕名附刻瓘責賊文按瓘以
紹聖史官專據王安石日錄改修神宗實錄作是
書以辨其妄初竄廉州著合浦尊堯集但著十論
猶未直攻安石北歸後乃改作此書皆摘日錄原
文而以臣瓘論日駁斥之條系於下共六十五條
每門又著總論坐是復羈管台州宋史謂蔡京卞
兄弟最所忌至靖康始贈官紹興始賜諡云
書前有後至元己卯林興祖序乃其九世孫文綱

重刊時作此本標十五世孫壻蕭甫裔孫載興校刊九世已入元時以世次年數計之則在明代矣

謙牧

白文

謙牧

朱文

堂藏書記

每冊首

堂藏書記

每冊末

陳少陽先生盡忠錄

一函二冊

明陳沂增輯沂字魯南上元人正德丁丑進士官至行太僕卿宋陳東字少陽丹徒人建炎二年以太學生於應天行闕上書言事爲黃潛善構死紹興中始贈官賜田時人哀之紀其事實至嘉定元

年李綱之孫太有增聖語三條於篇首改名曰盡忠錄鋟木以傳至明正德乙亥丹陽孫育得其書屬沂增輯其事下至正德時爲書八卷其中東遺文惟上書七首辭還恩命書一首答蔣宣卿趙子崧書二首家書一首遺詩二十七首而以遺像自贊行狀宋史本傳爲一卷其他詔敕薦章哀挽題跋墓表參錯成書目錄後有沂自跋書末有孫有跋丹陽知縣中理刻之考別本有楊一清序稱大學生孫育得所謂盡忠錄者質之鄉進士陳君沂

爲編次焉是猶在沂未第時也此本佚

書中卷一後硃書云朱墨中乙皆荆川唐先生筆也荆川之四代孫孔明公余內父因余索宋元人集以此本及丹淵諸集見與余間句讀之此雖荆川專車之一節不及窺其富而陳余兩先生集今人多不及見余及見之敢不珍之耶季滄葦記按通部並無批評惟有朱墨句讀及刪圈之處似此順之之輯右編時記取入書者振宜爲其家門壻付受有因也

是書外有盡忠補錄二卷上卷遺詩十首訓三首
下卷宋人題跋十五首在沂此錄後所輯者

季印

朱文

季滄葦

朱文御史

白文季印

白文

卷首

圖書記

卷首

振宜

卷一振宜

卷一

金佗編

二百
十二冊

宋岳珂撰書五十八卷金佗粹編二十八卷揭銜
奉議郎權發遣嘉興軍府事兼管內勸農事凡高
宗皇帝宸翰三卷經進鄂王行實編年六卷經進
鄂王家集十卷籲天辨誣六卷天定錄三卷前有

嘉定戊寅珂自序金佗續編三十卷揭銜朝請大夫權尙書戶部侍郎總領浙西江東財賦淮東軍馬錢糧專一報發御前軍馬文字兼提領措置屯田通城縣開國男食邑三百戶賜紫金魚袋凡高宗皇帝宸翰撫遺一卷絲綸傳信錄十一卷天定別錄四卷百氏昭忠錄十四卷前有紹定戊子珂自序珂痛其祖飛之冤撰進此書紀秦檜等鍛鍊誣陷之事詳引當時記載系以辨證曰籲天辨誣昭雪後復爵褒封贈諡之事曰天定錄飛受官制

劄三省文移劄付曰絲綸傳信錄岳雲兄弟以下
復官告制劄給還田宅制曰天定別錄飛戰功政
績編入國史及他人所作碑刻事實事蹟曰百氏
昭忠錄珂所居在嘉興金佗坊故以名書元至正
二十三年刻於西湖書院有陳基序是本巡按浙
江御史唐一鵬重刻有嘉靖壬寅張鏊序後有兩
浙鹽運使晉江洪富後序一鵬蘄州人見浙江職
官志鏊字濟甫南昌人嘉靖丙戌進士官南京刑
部尙書富字國昌晉江人嘉靖己丑進士官四川

參政

史記評林

四百四十冊

明凌稚隆撰稚隆字以棟烏程人篇目見前宋版
史部稚隆所纂曰史評取自晉迄明說史記者百
五十五家選輯其語各列於本文上方又總評四
十九條冠於書前曰史按取史記所引古書今存
而可相發明者並錄全文於上曰圖系增三皇五
帝夏商周秦漢及春秋列國世系圖二十有四五
帝夏商周秦漢都邑地理圖五曰批讀依宋本監

本分句旁注文法自作凡例十八條並識以表作
書大旨刻於萬厯戊子暨丙子冬始成前有王世
貞茅坤徐中行三序坤字順甫號鹿門歸安人嘉
靖戊戌進士官廣西副使有白華樓玉芝山房耄
年諸集選唐宋人大家文行世中行字子與長洲
人嘉靖庚戌進士官江西布政使有青蘿館集

史記評林

四面
二十四冊

同上係一版摹印

勞山史
氏珍藏

藏之名山

俱朱文
每冊首

漢書評林

四百二十八冊

明凌稚隆撰篇目見前宋版史部其纂輯如史記
評林之例凡評者百四十七家又列古字借讀字
同讀字爲字例一卷又增漢世系傳授圖國都地
理圖南北軍圖刻於萬厯辛巳前有王世貞王宗
沐茅坤陳文燭四序宗沐字新甫臨海人嘉靖甲
辰進士官刑部侍郎諡襄裕文燭字玉叔沔陽人

嘉靖乙丑進士官大理寺卿有五岳山房集

漢書評林

三函
三十二冊

同上係一版摹印

漢雋

一函
七冊

篇目見前宋版史部每卷標宋括蒼郡林越國鎮
輯卷一末刻清渭何通直宅萬卷堂本紹興乙亥
刊乃明翻宋本也處州府志越作鉞未知孰是

司馬氏家
藏書帖記

白文 卷首

兩漢博聞

一百一十冊

宋楊侃撰侃錢塘人端拱中進士官集賢院學士書十二卷凡前漢書七卷後漢書五卷取其故事字句爲標目而節取顏師古及章懷太子注列於下前有嘉靖戊午黃魯曾序乃刻書時作然序及書中不載撰人姓名疏陋已甚魯曾字得之吳縣人省曾之兄與齊名正德丙子舉人

逢省

自三

俱朱文 卷首

十七史詳節

十面

八十六冊

篇目同前宋版史部

烟雲

白文

夢草

壺盧式

供養

卷首

朱文

書舫

白文

卷首

十七史詳節

三函

二十四冊

篇目同前宋版史部前有無名氏序墨印三慎獨齋五忠後裔精力史學每卷首或刻建陽劉克莊梓或刻建陽慎獨齋或刻建陽木石山人劉宏毅其例不一建陽自宋爲刻書之肆劉氏慎獨齋世

其業而劉宏毅乃明時人首標克莊著其先世名人耳

闕補史記卷二五西漢卷二二十六卷十五二東

漢卷十五五卷二十四五三國志卷十七五晉書

目錄全卷十一之二十一全北史卷二十八十二之

隋書卷十六九唐書卷二十九卷十七六卷十八之一

五卷五十一三
四

水經注四面
三十冊

後魏酈道元注道元字善長范陽人官御史中尉

見魏書酷吏傳書四十卷凡水百十有九考水經
作者唐書題曰桑欽然班固引欽說與此經文異
道元注引欽所作地理志不曰水經永樂大典中
有道元原序並無桑欽之名故不從之崇文總目
云已佚五卷今仍作四十卷蓋宋人重刊分析以
足原書也是本爲新安吳琯所刻有王世懋方沈
序

水東金杏
穉仙氏桐
孫堂家藏
書畫之印

朱文
每冊首

廷綱

朱文
卷四十

三輔黃圖

一函
一冊

不著撰人姓氏書六卷有成化庚子周鼎序鼎字伯器嘉善人正統中官沭陽縣典史作序時年八十一矣有桐村疑舫土苴集

前副葉有墨蹟略云此書已蒼先生所贈先生藏書萬卷咸手自正定云云丙申六月遵王記於獨醒堂中後歸季振宜家馮舒號默菴常熟人與弟班俱以能詩名遵王跋中所云已蒼先生也著古詩紀匡謬

春草堂印

馮舒之印

俱白文卷首

季印振宜

滄葦

俱白文卷首

季振宜藏書

朱文卷一
卷末

馮氏藏本

朱文卷六

簡翁

朱文卷六

謙牧堂藏書記

白文卷首

謙牧堂賞鑒書畫之章

朱文卷末

雍大記

一函十冊

明何景明撰景明字仲默信陽人宏治壬戌進士

官陝西提學副使入明史文苑傳書三十六卷以

代陝西通志分六門曰考易以代沿革八卷曰考

迹以代地理五卷曰紀運列周秦漢唐明帝王五

卷曰紀治詳列代君臣事蹟七卷曰志獻以代人
物五卷曰志賁以代藝文六卷景明以病去官僉
事周宗化攝學政續成之前有段炅序

泰興季氏藏本書中有墨蹟三段一爲張鳳翼在
目錄後二爲吳岫在凡例後及末卷後吳跋兩段
文句相同字亦稚拙坊賈所爲非其真蹟也

吳岫書籍

朱文 卷首 卷一

姑蘇 吳岫 家藏

朱文 卷首 卷四 卷五 卷之卷上 卷十三
卷十四 卷十八 卷十九 卷二十二 卷二十八
卷二十九 卷三十一 卷三十四

姑蘇吳朱文
岫塵外卷首
廬讀過卷五

御史
之章

白文

季印
振宜

朱文

滄
葦

朱文 俱卷首

楚故略

一函
四冊

明陳士元撰書二十卷湖廣地志也分二門曰稽
建以府州分子目詳其沿革曰辨方分子目七爲
遺蹟書院樓閣形勝故國故宅故墓詳其事實不
列職官人物藝文等門在地志中猶爲近古前有
萬厯十二年士元自序湖廣布政司右參議武尙
耕爲刻之亦有序後有德安府推官錢士冠跋尙

耕溧水人隆慶辛未進士

歷代地理指掌圖

一面
六冊

不著撰人名氏書不分卷自帝嚳九州至宋升置
州郡凡四十四圖前有蘇軾序後有總論按費袞
梁谿漫志云今世所傳地理指掌圖不知何人所
作其考究精詳詮次有法上下數千百年一覽而
盡非博學洽聞者不能爲自足以傳遠然必託之
東坡其序亦云東坡所作觀其文淺陋乃舉子緝
綴對策手段東坡安有此語最後有本朝升改廢

置州郡一圖乃有崇寧以後迄於建炎紹興所廢
置者是豈出於東坡之手哉云云其書藍本於元
豐九域志宋坊間所行袞辨之詳矣淳熙間趙亮
夫刻於桐汭此本中宋諱字尙有闕筆者乃從宋
本翻雕之證而多昊天成象圖明一統圖各布政
使司十四圖足證爲明時重刻末有毘陵陳奎刻
五字

杜氏通典

二十函
一百冊

唐杜佑撰佑字君卿京兆萬年人官檢校司徒同

中書門下平章事守太保諡安簡唐書有傳書二百卷分八門曰食貨曰選舉曰職官曰禮曰樂曰兵刑曰州郡曰邊防每門各分子目冠以總論前有佑自序李翰序至明代僅有鈔本流傳嘉靖戊戌巡按廣東御史王德溢提學僉事吳鵬刊行方獻夫爲之序德溢字懋中連江人嘉靖丙戌進士官廣西僉事吳鵬字萬里秀水人嘉靖癸未進士官吏部尙書有飛鴻亭集按明史諸王表周王下四世以安字命名李日華字君實嘉興人萬曆壬

辰進士官至太僕寺少卿有恬致堂集

周國第一郡王安淵印

朱文卷首

李印日華

朱文卷一

臣詩私印

朱文卷一

通志六十函二百四十冊

篇目見前元版史部惟鄭樵自序餘俱無另一刻

虞山錢氏藏本

牧翁蒙安

朱文卷首

金星煥廣熙氏

朱文卷一 卷五之卷七 卷十 卷十一 卷十三 卷十五

通志二十八函一百十二冊

篇目同前元版史部係一版摹印而歲久漫漶多
後來刊補故列之明版

明補卷十三一卷二十二二十一卷七十九三卷

九十五四卷九十七八十二卷一百二九十二

一百四十八卷一百四四十七卷一百六八十六

卷一百十三一百一卷一百十四十五卷一百二

十一五十七卷一百二十四二十五卷一百二十

五七十九卷一百五十五四十二卷一百五十七

八十六卷一百五十八二十二卷一百六十二六

十九 卷一百六十六 三十一 三十三 卷一百

六十七 七十一 卷一百七十三 二十六 卷一百七

十六 二十二 卷一百七十七 四十四 卷一百七十

八 四十四 卷一百七十九 二 卷一百八十二 十三

卷一百八十四 十三 卷一百九十四 五十 卷一百

九十五 四十九 卷一百九十六 五十六 卷一百九

十七 五 卷一百九十九 二十七

文獻通考 二十函 一百冊

篇目見前元版史部前有至治年江浙行中書省

下樂平州劄付王壽衍進書表

明司禮監奉敕刊有嘉靖三年世宗御製序

欽定天祿琳琅書目後編卷十五終

欽定天祿琳琅書目卷十六

後編

明版子部

二十子全書

三百十八冊

明吳勉學彙刊老子道德經二卷有葛元序關尹子文治真經一卷有劉向校上奏文子二卷明彭好古輯有集道翼言引又文子題辭莊子南華真經三卷有郭象序又顏素識又莊子難字音義列子沖虛真經八卷有劉向校上奏唐加至德二字按語管子二十四卷有劉向校上奏晏子春秋四

卷有劉向校上奏荀子二十卷韓非子二十卷商
子五卷鬼谷子一卷有舊序吳子一卷有史記吳
起列傳孫子一卷有史記孫武子列傳黃石公素
書一卷有張商英序呂氏春秋二十六卷有高誘
序淮南子三十一卷有高誘序楊子法言十卷文
中子中說十卷有杜淹文中子世家錄唐太宗與
房魏論禮樂事東臯子答陳尚書書錄關子明事
司馬子坐忘論一卷有一壑居士題辭譚子化書
六卷勉學字肖愚歙縣人好古字錢甫麻城人萬

歷丙戌進士官御史

五子全書

一面
三冊

不著彙刻人名氏鵽冠子二卷凡十九篇宋陸佃
解前有佃自序韓愈讀鵽冠子一首鬻子一卷凡
十四篇唐尉遲行珪注前有行珪序並進表尹文
子一卷大道上下二篇前有仲長統序公孫龍子
一卷凡六篇不著注人名氏子華子二卷九篇前
有劉向校上奏

明大字本版式似世德堂六子書

孔子家語

一臣
四冊

篇目同前宋版子部

明吳勉學刊前有素王事實歷聘紀年王世貞序

孔子集語

一函
二冊

宋薛據撰據字林容永嘉人官至浙江常平提舉
書二卷凡二十篇各以篇首字爲目易者一子貢
二孔子御三持盈四子觀五公父文伯六六藝七
依賢八漆雕氏九楚昭王十子出衛十一顏叔子
十二齊侯問十三文王十四齊桓公十五公索氏

十六子夏問十七楚伐陳十八孔子先十九曾子
二十所採古籍皆標書名惟不引曾子大戴禮孔
叢子孔子家語四全書及左氏莊子荀子列子是
其例也

明鍾人傑刻本

管子

一面
十二冊

通鑑外紀引傅子曰管仲之書過半便是後之好
事者所加葉適水心集曰管子非一人之事亦非
一時之書以其言毛嬙西施吳王好劍推之當是

春秋末年人作仲卒於桓公前篇中處處稱桓公
不出仲手已無疑義書二十四卷凡八十六篇經
言九外言八內言九短語十八區言五雜篇十三
管子解五管子輕重十九無注前有劉向校上奏
明趙用賢序用賢校梓是書頗爲精覈是本乃淩
汝亨取用賢所校及朱大復管子權張賓王管子
選評語用朱墨本刊印

管子

二函
二十冊

篇目見上唐司空房元齡注或云國子博士尹知

章注託名元齡前有楊忱序張嶠讀管子又文評
十四條書末刻吳郡顧樞書顧時中章掖顧植劉
廷惠何承德章扞顧賢何承業吳丙初顧文邑人
呂廉同刻

是本爲萬厯戊午趙用賢校正並韓非子合刻極
精審別本有王世貞序稱汝師合刻此本佚汝師
用賢字常熟人隆慶辛未進士以檢討劾張居正
奪情事廷杖爲民後官吏部侍郎諡文毅明史有
傳

韓非子

二函
十二冊

周韓非撰書二十卷凡五十五篇曰初見秦存韓
難言愛臣君道有度二柄揚權入姦十過孤憤說
難和民姦劫殺臣亡徵三守備內南面飾邪解老
喻老說林上下觀行安危守道用人功名大體內
儲說上七術下六微外儲說左上下右上下難一
二三四難勢問辨問曰定法說疑詭使六反入說
八經五蠹顯學忠孝人主飾令心度制分有注元
何犴稱爲李瓚注然王應麟玉海已稱韓子注不

知誰作矣

趙用賢同管子合刻本

荀子

一面
八冊

篇目見前宋版子部纂圖互注六子全書條下每葉版心有芸窗書院刻五字

荀子

二面
十六冊

篇目見前宋版子部纂圖互注六子全書條下雖未標纂圖互注而實有注無圖大字另刻本

南華真經

三面
十六冊

篇目見前宋版子部纂圖互注六子全書條下書
中卷七上方有墨蹟云先繕部篤信好學試第一
卷用款啟字事在萬厯丁酉距今五十七年矣順
治壬辰九月十七日記鈐印一士楫此讀書家私
記雖其人無可考亦可驗爲明代舊籍

匪棘堂

朱文
卷首

一字

朱文
汝說
卷一

闕補卷一 十五

南華真經

二函
十冊

篇目同上每葉版心有世德堂刊四字紙墨精工
與中說同

謙牧
堂藏
書記

白文
每冊首

謙牧
堂書
畫記

朱文
每冊末

呂氏春秋

二面
十六冊

秦呂不韋撰漢高誘訓解書二十六卷凡百六十
篇曰十二紀子目六十一曰八覽子目六十三曰
六論子目三十六前有誘序每卷標題下刻明雲
間宋邦人張邦瑩徐益孫何三畏校三畏字士柳

華亭人萬厯壬午舉人官紹興府推官餘無考

石屋

朱文
卷首

說苑新序

一面
八冊

漢劉向撰向字子政初名更生官中壘校尉事具
漢書本傳說苑書二十卷凡二十篇曰君道臣術
建本立節貴德復恩政理尊賢正諫敬慎善說奉
使權謀至公指武叢談雜言辨物修文反質崇文
總目載存者五篇曾鞏稱得十五篇於士大夫家

與舊爲二十篇然闕第二十析十九之修文爲上
下以足之今反質一篇乃高麗所進本見陸游渭
南集新序書十卷凡四篇曰雜事五刺奢節士上
下善謀上下兩書俱有曾鞏校上序嘉靖丁未何
良俊合刻有序良俊字元朗松江華亭人官翰林
院孔目有清森閣集

說苑

一函
十冊

篇目同上

明程榮刊專本亦冠何良俊序

太元經一函二冊

篇目同前宋版子部

明郝梁刊後有志云太元經近世鮮有重刊者予得宋善本於建業黃氏即命工刻之時嘉靖甲申也明陳淳藏本淳字道復號白陽山人長洲人文徵明弟子善書畫

白陽 白文
山人 卷六

謙牧 堂藏 書記

白文
每冊首

謙牧 堂書 畫記

朱文
每冊末

闕補述元 一

中說 一函
四冊

篇目見前宋版子部纂圖互注六子全書條下每
葉版心刻世德堂刊四字紙墨精工乃初印本

高士奇家藏本

高氏江村
草堂珍藏
書畫之印

白文
卷首

抱瓮翁

朱文 卷一 卷四
卷七 卷十

二程全書

二函
十二冊

明閩禹錫彙刊禹錫字子與洛陽人正統九年舉
人旌表孝行官至監察御史督畿內學政爲薛瑄

門人入明史儒林傳書五十一卷凡遺書二十五
卷爲二先生語錄十卷明道先生語錄四卷伊川
先生語錄十一卷朱熹編有序外書十二卷皆二
先生語錄亦熹編有序明道先生文集四卷附錄
一卷亦熹編有記伊川先生文集七卷其孫曷編
子端中序又附錄一卷續附錄一卷天順辛巳李
賢序爲禹錫刻書作禹錫起家國子監學正賢所
薦也隆慶庚午楊俊民後序爲金立敬重刊作賢
天順年大學士俊民字伯章蒲州人嘉靖四十一

年進士官戶部尙書立敬台州臨海人嘉靖庚辰

進士

西疇

朱文

卷首

卷一

卷十一

卷十八

珍藏

卷十九

卷二十六

卷四十一

卷四十七

闕補卷四十一 十三

大學衍義

二函
二十冊

宋真德秀撰書四十三卷首以帝王爲治之序帝

王爲學之本次以四大綱曰格物致知子目四明

道術辨人材審治體察民情曰正心誠意子目二

崇敬畏戒逸欲曰修身子曰二謹言行正威儀曰
齊家子曰四重妃匹嚴內治定國本教戚屬紹定
二年書成端平元年進

明官刻本考嘉靖六年五月諭大學士等以經筵
盛暑輟講宜命講官以大學衍義進講自是月十
三日始五日一輪二人講書又以是書版在內局
寫刻未精乃定新式命司禮監重刻以傳明世宗
御製序冠首大學士楊一清作後序一清字應寧
號石淙雲南安寧州人

泰興季氏藏本

季振宜

朱文

御史

白文

藏書

卷首

之章

季印

朱文

滄葦

朱文
俱卷首

謙牧

白文

謙牧

朱文

堂藏書記

每冊首

堂書畫記

每冊末

心經附注

一函
四冊

宋眞德秀撰明程敏政附注敏政字克初休寧人

成化丙戌進士官禮部侍郎書四卷凡輯尙書一

條詩二條易五條論語三條中庸二條大學二條

樂記二條孟子十二條周子二條程子一條范氏
一條朱子三條自爲之贊目錄下有端平元年顏
若愚識每條下各加以注敏政以書未賅備又注
中或稱西山讀書記疑非德秀自作乃補釐爲附
注以白文標明前有敏政自序

文藏
天祿
之章

白文
卷首

書筵
侍讀

白文
卷三

崔有
海印

朱文
卷三

慈谿黃氏日鈔

六函
六十冊

宋黃震撰震字東發慈谿人寶祐四年進士官浙

東常平提舉入宋史儒林傳書九十七卷凡讀孝
經論語孟子詩書易各一讀春秋七讀禮記十六
讀周禮三傳孔氏書各一讀諸儒書十三讀史五
讀雜史四讀諸子四讀文集十奏劄一申明八公
移三講義策問各一書二記三序一題跋一啟祝
文祭文行狀墓誌銘各一內八十一八十九原佚
前有至元丁丑沈達序

性理大全

二函
十二冊

明胡廣楊榮金幼孜等奉敕撰原一百二十九卷

首列成書爲太極圖說通書西銘正蒙皇極經世
書易學啟蒙家禮律呂新書洪範皇極內篇次輯
諸儒議論分理氣鬼神性理道統聖賢諸儒學諸
子歷代治道詩文永樂十三年書成成祖御製序
刊頒天下有進書表及先儒姓名纂修銜名後經
南畿督學御史楊宜取官頒善本校錄重刊此本
乃萬歷丁酉吳勉學師古堂刻本卷首有識每卷
末刻新安吳勉學校宜字伯時衡州人嘉靖癸未
進士官右副都御史明史附傳

五倫書

二函
二十冊

明宣宗御撰書六十二卷首五倫總論以五倫分
門君道二十二臣道三十父道二子道三夫婦兄
弟朋友之道各二每門分嘉言善行二目君道分
子目四十八臣道分子目四十二父道附母伯叔
叔母子道附女婦兄弟附宗族朋友附師生正統
十二年刊有英宗御製序

明官刊頒行本序目錄每卷首俱有廣運之寶

五倫書

四函
二十四冊

篇目同上

坊刻小字本卷一末有正德元年孟冬宗文書堂
新刊字

童蒙訓

一函
二冊

宋呂本中撰本中字居仁公著曾孫靖康中官祠
部員外郎紹興中權直學士院稱東萊先生諡文
清書三卷上卷六十五條中卷二十六條下卷七
十四條前有嘉定乙亥樓昉序

按樓序是書初刻於長沙郡又刻於龍溪學譌舛

特甚婺州守邱壽雋字真長密之嫡子重校刊之
祠堂書後刻紹定己丑郡守眉山李塤得此本於
詳刑使者東萊呂公祖烈因鋟木於玉山堂以惠
後學是本卽明人依宋翻雕行款字畫一仍其舊
最爲善本塤丹棱人燾第四子舉進士官禮部尙
書資政殿學士謚文肅有悅齋集

世範

一函
三冊

宋袁采撰采字君載信安人登進士仕至監登聞
鼓院書三卷上卷睦親六十五條中卷處己六十

七條下卷治家七十四條前有淳熙戊戌劉鎮序
己亥采自序刊木時作也是本萬厯癸卯重梓吳
獻台序鎮字叔安南海人嘉泰二年進士獻台莆
田人萬厯庚辰進士官順天府尹

厯代臣鑒

一百一十冊

明宣宗御撰書三十七卷分二門善可爲法一百
十三人惡可爲戒七十三人各採經史事實倣小
傳體前有宣德元年御製序

明官刊頒行本

羅憲汶號篁菴南昌人明崇正癸未進士官翰林
入

本朝至少詹事

篁菴

白文

氏

每冊末

讀書劄記

一百四冊

明徐問撰問字用中號養齋武進人宏治壬戌進
士官南京戶部尚書諡莊裕明史有傳書八卷問
巡撫貴州時與諸生問答天文山川性理六經四

書之說提學副使陳則清刻之前有問自志則清
字君揚閩縣人正德丁丑進士官巡撫雲南都御
史

容齋隨筆五集

二百十四冊

宋洪邁撰書七十四卷隨筆十六卷凡三百二十
九則續筆十六卷凡二百四十九則三筆十六卷
凡二百四十八則四筆十六卷凡二百五十九則
五筆十卷凡一百三十五則隨筆至四筆每集有
邁自序前有嘉定壬申何異序乃邁從孫伋知贛

州鉸木郡齋時作異字同叔號月湖崇仁人紹興二十四年進士寧宗朝官工部尙書至明宏治戊午李瀚巡撫河南重刻是書亦有序瀚字叔淵號有齋沁水人成化辛丑進士官至戶部尙書

謙牧堂藏書印

自文
每冊首

謙牧堂賞鑒書畫之章

朱文
每冊末

丹鉛總錄

一百一十冊

明楊慎撰慎字用修號升菴新都人大學士廷和子正德辛未進士第一以諫大禮謫戍金齒終明

史有傳書二十七卷分二十六類曰天文地理時
序花木鳥獸宮室冠服珍寶音律物用人事人品
史籍訂譌宗學官爵博物禮樂卦名飲食干支數
目怪異身體詩話瑣語慎所著有丹鉛餘錄十七
卷續錄十二卷閏錄九卷又自刪爲摘錄刻之此
其門人梁佐分類裒輯名曰總錄刻於上杭至今
其書盛行佐蘭陽人嘉靖丁未進士官參政

七修類稿

四面
二十四冊

明郎瑛撰瑛字仁寶仁和人書五十一卷分七門

曰天地曰國事曰義禮曰辨證曰詩文曰事物曰
奇詭前有張之象序目錄後有瑛自識刻於閩中
此其舊本也之象字月麓上海人官浙江按察司
知事

王氏農書

一面
六冊

元王禎撰禎字伯善東平人官豐城縣尹書三十
六卷分三編曰農桑通訣子目十九農事牛耕蠶
事原始授時地利孝弟力田墾耕耙勞播種鋤治
糞壤灌溉勸助收穫蓄積種植畜養蠶繅祈報曰

農器圖譜子目二十一田制耒耜鑿耒錢鎛鉞艾
耜杵簀笠蓐蕡杵臼倉廩釜甑舟車灌溉利用麤
麥蠶繅蠶桑織紵績絮麻苧雜錄曰穀譜子目六
穀屬菰屬蔬屬果屬竹木雜類皆繪圖立說嘉靖
庚寅巡撫山東右副都御史安州邵錫與右布政
使長興顧應詳左布政使固始李緋重刻發所屬
府州縣掌印治農等官前有閭閻序後有布政司
刻書咨文書側長墨印廣仁義學藏書閱字尙友
臨清人正德丁丑進士官參政

王氏農書

一面
六冊

篇目同上刪原始圖五田制門圖十四蠶繅門圖
六萬厯四十五年建武鄧漢再刊本漢字遠遊新
城人萬厯戊戌進士官巡撫順天右僉都御史有
南中紅泉諸集

博古圖錄考正

二面
十二冊

宋大觀年官撰晁公武郡齋讀書志稱王楚撰錢
曾讀書敏求記云元至大中重刻博古圖凡臣王
黼撰都削去未知孰是其冠以宣和者蓋取殿名

其時尙未有宣和年號也鄭樵考正樵遂州人書
三十卷凡六十類鼎尊罍彝舟卣瓶壺爵斝觚斗
卮觶角杯敦簋簠豆鋪甗錠鬲鍔盃盒鏹斗甗罍
冰鑑水斗匱匱盤洗盆銅釭鐘磬鐸鐸鉦鏡戚弩
機鐵匱錢硯滴托轅承轅輿輅飾表座旂鈴刀筆
杖頭唐蹲龍鳩車提梁鑑皆繪圖考證爲說有樵
序樵明人署宣和五年刻誤

范光

朱文 卷首 卷三 卷五 卷七 卷九 卷十一 卷十三

維

朱文 卷首

鑒賞

卷十五 卷十七 卷十九 卷二十一 卷二十三 卷二十五 卷二十七 卷二十九

岳

卷三 卷五

臣賓

白文 卷首

乘侯

朱文

卷三

卷五

重修考古圖

二百一十冊

宋呂大臨撰大臨字與叔藍田人元祐中官祕書省正字書十卷皆繪圖立說並載所藏姓氏前有
大臨自記大德己亥陳才子陳翼子二序元默齋
羅更翁考訂明新都丁雲鵬吳廷羽注耕繪圖吳
元滿篆銘劉然書錄汪杲補錄黃德時德懋刻

考古圖

一面四冊

篇目同上明鄭樸校楊明時刻後有萬厯庚子吳
廷後序略稱遂州鄭公博學多識以元本考古圖
剝蝕剝缺命楊不棄翻摹重梓云不棄明時字廷
字明卿皆徽州人卽刻餘清齋法帖者

○ 惠

朱文 卷一 卷四

卷五 卷九

金石文

一函
五冊

明徐獻忠輯獻忠字伯臣號長谷松江人嘉靖乙
酉舉人官奉化知縣書七卷凡商文三周文三十

三秦文十漢文六十七前有獻忠自序後有嘉靖

庚子朱警序

法帖釋文考異

一函
二冊

明顧從義撰從義字汝和上海人嘉靖中詔選善書者入直授中書舍人直文華殿擢大理寺評事書十卷依淳化閣法帖原本次第釋文於諸家同異加以辨證無序跋

趙印
連璧

臧
卷一

含瑜
居士

臧
卷一
卷六

吳郡陸紹曾
收藏書畫印

朱文
卷二
卷六

吳郡陸
秀岩鑒
賞之印

朱文
卷十

金薤琳琅

一函
五冊

明都穆撰書二十卷凡周刻二秦刻六漢刻二十
五隋刻五唐刻二十七俱引原文申以論說如隸
釋之例

書中間有硃書考證末有墨蹟跋款云辛巳二月
蒙隱褐夫書於壽寧里塾文多不錄

雲間董氏藏本六印不可辨謝淞洲號林村長洲
人

博雅

朱文

卷一

古狂生

董印

俱白文 卷一 卷五

其昌 卷九 卷十三 卷十七

開國元勳子孫

朱文

卷一

陳留郡開國印

朱文 卷一

卷二十

薛益之印

芝宮

俱朱文 卷一 卷五

卷九 卷十三 卷十七

不如圃

朱文

卷一

謝淞洲之印信

白文 卷一 卷五

卷九 卷十三 卷十七

至淞洲印信

白文 卷五 卷九

卷十三 卷十七

松州私印

白文

卷一

松州之印

白文

卷十六

豆華館印

白文

卷一

謝淞州印

白文

卷二十

石屋

朱文 卷一 卷五

卷九 卷十三 卷十七

布帆道人

朱文

卷二十

朱長齡印

白文

卷二十

字永眉

朱文

卷二十

樹德堂印

白文

卷二十

超然獨處

朱文

卷二十

渭北春天樹

江東日暮雲

何時一尊酒
重與細論文

白文

卷二十

寶鼎香

漫繡簾

風細綠
窗人靜

朱文

卷二十

世說新語

一百
六冊

宋劉義慶撰梁劉孝標注事俱具南史書三卷各
分上下凡三十六門是書紹興八年董弁以家藏
王原叔本及後得晏元獻本是正刊之淳熙戊申
陸游重刻於新定皆有識末刻嘉靖乙未歲吳郡
袁氏嘉趣堂重雕蓋從陸本翻刻者猶屬完書較
之王世貞所刻刪節注文者此爲善本矣前有袁

駸自序駸字尙之吳縣人博學工詩善書法見蘇州府志

慧命關

白文

小
鄉孃

白文

修竹吾

朱文

俱卷首

廬三徑

卷上

世說新語補

六冊

明王世貞以劉義慶世說何良俊語林合輯成書
采劉辰翁評點書二十卷門目如世說之舊前有
嘉靖丙辰世貞自序又其弟世懋刻書時序一識
一又世說新語舊劉應登序袁駸序高似孫緯略

一則董弅陸游二跋何氏語林舊文徵明序陸師
道序師道字子傳長洲人嘉靖戊戌進士官禮部
主事其校注之張文柱字仲立崑山人萬厯戊子
舉人官臨清知州

徐長君

字實君

俱白文

卷首

說略

一函

十二冊

不著編輯姓氏取宋元人雜說三十二種彙刻之
分爲十集甲默記宣政雜錄靖康朝野僉言朝野

遺記乙墨客揮犀續墨客揮犀聞見雜錄山房隨
筆丙諧史昨夢錄三朝野史丁鐵圍山叢談孔氏
雜說戊瀟湘錄三水小牘談藪己清尊錄睽車志
話腴朝野僉載庚古杭雜說蒙齋筆談文昌雜錄
就日錄辛碧湖雜記錢氏私誌遂昌山樵雜錄壬
高齋漫錄桐陰舊話霏雪錄癸東圃友聞拊掌錄
無序跋考明史藝文志別有顧起元說略三十卷
乃分門排比之類書不與此同

謙牧
堂藏
書記

白文
每冊首

謙牧
堂書
畫記

朱文
每冊末

闕補目錄

二默記
三
四

鶴林玉露

一面
四冊

篇目同前元版子部

輟耕錄

一面
四冊

明陶宗儀撰宗儀字九成號南村台州人洪武中
舉人材不就書三十卷凡四百八十二條於元時
典章制度人物爲詳蓋猶在元時所作前有至正

內午孫作序並南村先生傳又邵亨貞募刻是書
疏萬厯戊寅徐球補刻識乃明初舊版重修者作
字大雅江陰人洪武中召爲國子助教授司業見
明史文苑傳亨貞字復孺嚴州人官松江府學訓
導有蛾術集

金陵顧謙字

朱文

以牧圖書印

卷首

顧謙以牧今藏此書

朱文卷一卷六

卷十四 卷二十三

學海

十函
八十冊

明饒伸撰伸字抑之進賢人萬厯癸未進士官刑

部侍郎明史有傳書二百三十卷統曰君道部分
五類曰世系類一百二十四卷曰勦業類七十卷
曰中興類六卷曰繼統類二十五卷曰餘分類五
卷其體例以通史分合似紀事本末雜采諸書不
盡史鑑又似類書惟君道一部似未成之書而五
類之下復有門門下有篇篇下有章章下復有子
目允沓在所不免而徵引則可云浩博矣前有萬
厯戊申伸自序

欽定天祿琳琅書目後編卷十六終